

den / welche sie schneller denn ein Wassers
würbel ergriffen vnd verschlungen haben.
Abdenn ist er stärker worden / vnd ist niches
so ihn erschrecken möchte. Wunderbarlich
ist er vnd mächtig: dann eine Unz gilt so
viel als hundert Unzen Gold wegen. Es ist
ein Feuer / so alle fäule vnd unreines durch-
dringet / vnd in eine andere Substantz ver-
uert / so viel es desselben gleichförmigkeit er-
fordert. Es heilet auch alle Kranckheiten / als
Zipostem / Bluffas vnd Zipperlein: verjünget
das Alter / vnd gibt jungen Leuten Verstand
vnd Fröligkeit. Es ist fast ein göttliches
Wunderwerck / vnd wird kein ding vnter
dem Himmel gefunden / welches dergleichen
Wirkung hat / inmassen beydes die Pro-
pheten vnd dann die Naturkundiger erfah-
ren. Allein ist es wegen der Potentaten vnd
grosser Herren Gewalt schwer zu suchen /
wiewol es mit gutem Gewissen wol gesucht
werden mag. Daher haben es die Weisen
also geliebet / daß sie den jenigen / der es offen-
bahrete / verfluchet: dann es niemanden als
den würdigen / gottesfürchtigen vnd rechts-
gläubigen zu offenbahren. Denn welchem
Gott das Leben verleihet / daß er diß Werck